

BƠ-ÀR PÓYOA MŨNG KƠI JUĐE

Pơnuai Čuă-Rowăng

¹ Juđe, mơnih holùn-holă Yàng Jêsu Krist, sồng adơi Jakơ, poyoa tơ du mơnih hũ iơu-rơwah, hũ Yàng Pô Lơngì la Ama uồn-rơnă, sồng hũ Yàng Jêsu Krist ơ-gà. ² Yòng lợkơu pơnuai anit-ană, pơnuai rĩng-lơngai, sồng pơnuai uồn-rơnă hũ potốl lô tơ buốl adơi-ai.

Du Pô-Poto Lữ

³ Ở buốl adơi-ai uồn-rơnă, đolhă abih hotai-hotiàn khiăng biă wă tơ buốl adơi-ai mŭng pơnuai anit đong-poklăh Yàng Pô Lơngì bơi tơ buốl gudrơi, bloh đolhă sớnhũng păl wă tồ kớkơi-poto buốl adơi-ai mŭng brawdă tấmgă koyoa pơnuai păng-tui buốl gudrơi, la pơnuai păng-tui hũ jào-bơi tơ du mơnih sớih-sri sa amăng tồl abih. ⁴ Koyoa hũ du mơnih sớllet tơma lăm tởkrah buốl adơi-ai; nŭn la du mơnih bloh pơnuai ăhroňa ngă glài buốl guũ hũ ngă-nìn mŭng suoi bợjơ. Du mơnih 'buh păng-duh ni hũ ngă tơ pơnuai anit-bơi-soh Yàng Pô Lơngì buốl gudrơi tobiă jiống pơnuai tồ đờm đong tơ rài hơdiũ dri-sơnoh bũng-pokăl. Buốl guũ kớmlah luoi Pô Phũn Apăn-Akố mĩn hũ sa, la Yàng Jêsu Krist, Yàng buốl gudrơi.

⁵ Yah lài buốl adơi-ai hũ thơu loh-làng mŭng tợgrữ pơnuai nŭn bợjơ, bloh đolhă sớđăũ khiăng pớsdữ wớ tơ buốl adơi-ai sớđữ lài: Mŭng yau thơi, Yàng hũ đong-suă buốl làng Pô tobiă klăh mŭng lợgă Ejiptơ, bloh hơđơi mŭng nŭn Pô hũ pơluĩ-pơlơhiă abih tợgrữ mơnih 'buh

păng-tui. ⁶ Du mônih gơdrưh 'buh păng-rơmiã gơnuãr-anih dơi, bloh klà luoi anih dơi dò, nửn Pô hũ angui tơlơi srềng bloh jàm krở buoi guñu rài pơdò rài lăm anih kơnãm-mơsrữ, tô càng pơnuai ấh rơña lăm hơoi prông-màng. ⁷ Pơi-prông Sôđôm sớng pơi-prông Gômôr, gãm sớng tợgrở pơi-prông tòmđar du pơi-prông nửn kũng yơu nửn rơi. Guñu hũ đũa tui pơnuai dri-sơnoh bũng-pơkãl sớng du pơnuai gah rụp-phạp drah-rơlo hàm-khiăng tợblở wở sớng adăt-lợđáp bơhiàn anà mônih, nửn hũ pãl kớng ngã glài sớng apui rài pơdò rài tô ngã kớh tợ buoi gudơi.

⁸ Kũng yơu nửn rơi, du mônih đih-lợoi dih hũ ngã sớ-sơnoh tợ rụp-phũn rụp-phạp buoi guñu wở, ớ 'buh sớp tợ gơnuãr Yàng, đờm khĩn-dơmĩn sớk-sơbĩl truh tợ du pô mường-kợcrà. ⁹ Truh yơu mônih gơdrưh prông rơlau abih la Mišel, tũ đờm tấmpơjai sớng kơmlài-jĩnràk tô tấmblah rụp-atơu Mốise, kũng 'buh khĩn mã pơnuai sớk-sơbĩl khĩn-dơmĩn lợi tô ấh rơña, bloh mĩn đờm: “Yòng Yàng ngã glài hã!” ¹⁰ Bloh du mônih ni nửn đờm khĩn-dơmĩn sớk-sơbĩl truh tợ abih tợgrở pơnuai buoi guñu 'buh thơu; dò tợgrở pơnuai buoi guñu hũ thơu jiờng sớng pơnuai lợđáp-phũn yơu du joi pà gah tókai 'buh hũ akồ sớnửng, nửn mĩn la du pơnuai rồ pơluĩ-pơlơhiã buoi guñu.

¹¹ Gleh-glãr đờn-sã biã tợ buoi guñu, kợyoa buoi guñu hũ nau tui jơlàn Kain, kợyoa hàm sa-sĩt priã-jèn bloh lẽ tợma lăm pơnuai sớng asũ Balaam, sớng kớng pơluĩ-pơlơhiã kợyoa ngã pơnuai pợblở-tấmdrã yơu Kờe.

¹² Du mônih nửn la du nàl sớ lăm pơnuai mớñũm 'bớng tợkrah buoi adơi-ai. Buoi guñu tợma mớñũm 'bớng sớng buoi adơi-ai bloh 'buh thơu mớlơu alah. Buoi guñu mĩn sớnửng-thơu tợ rụp-phũn buoi guñu soh. Buoi guñu

mohiõ yơu du puk hwäl 'buh hũ ia, pơ-pờ đũa tui rơbù. Buol guñu yơu kơyơu 'bõng boh bloh truh blàn 'buh hũ boh, dua amǎng mọtai, hũ kơđồng buĩ tơpốt truh tơ akha. ¹³ Buol guñu yơu royà ia-tơsì pơpoh pràn-mơsak, kơprùh kơmbuh sỡ-sơnoh buol guñu đi. Buol guñu mohiõ yơu du ia-potũ nau asũ, pơnuai kơnăm-mơsrũ cik-çòk hũ pioh tơ buol guñu rài pơdò rài! ¹⁴ Kũng koyoa mũng du mơnih ni bloh Enôk la tợcơ-tợcẽ tợjuh rài mũng Ađam, hũ đờm hwờr lài: “Dih, Yàng truh sỡng rơbơu-rơbơu pơ sỡch-sri, ¹⁵ tồ çahrơña tợgrữ mơnih, sỡng ngã nìn-glài abih tợgrữ mơnih 'buh pǎng-duh mũng abih tợgrữ bruǎ 'buh pǎng-duh buol guñu hũ ngã, gǎm sỡng abih tợgrữ pơnuai sỏk-sỏrbĩl khĩn-dơmĩn bloh du mơnih glài-sơnoh 'buh pǎng-duh hũ đờm tǎmdrǎ-wỡ sỡng Pồ.” ¹⁶ Buol guñu la du mơnih jiǎng đờm yuǎm sỡng wồl 'buah. Buol guñu hỡdiũ ngã tui du pơnuai hàm-khiǎng sỡ-jờhà dơoi. Kàng bớbah buol guñu jiǎng đờm du pơnuai yeh-dơoi pơglòng-rùp, sỡng tồ duah hũ phũn-hợjũng tơ rùp-phũn dơoi, buol guñu jiǎng angui du pơnuai đờm pồ-mợyòm lờr tồ pơluơ họtai mơnih pỏkỡn.

¹⁷ Bloh ơ buol adơi-ai, la du mơnih uỡn-rơnăm biǎ, yòng buol adơi-ai sỏdỡr wỡ bẻ tợgrữ pơnuai du mơnih tợdi-tợdài Yàng buol gudơoi la Yàng Jêsu Krist, hũ đờm dờlhou. ¹⁸ Du mơnih tợdi-tợdài nũn hũ đờm sỡng buol adơi-ai: “Lǎm tũ-hợoi luĩ-dũt, rỡũ hũ du mơnih jiǎng klau-potǎt; guñu hỡdiũ đũa tui du pơnuai hàm-khiǎng sỡ-jờhà dơoi bloh ngã du bruǎ 'buh pǎng-duh.” ¹⁹ Rùp-phũn buol guñu la du mơnih ngã tợbiǎ pơnuai pỏklah kơoi tợpưol, du mơnih sỏđũa hỡdiũ tui gah rùp-phạp drah-rỏo, sỡng 'buh hũ Bớngǎ Sỡch-Sri.

²⁰ Bloh ơ buol adơi-ai uỡn-rơnăm, mũng pơ-ơnah buol adơi-ai, bỡ-pơđỡng bẻ rùp-phũn buol adơi-ai tợ ngỗ pơnuai pǎng-tui sỡch-sri dơoi, sỡng iơu-lài bẻ lǎm Yàng

Bongă Soçih-Sri. ²¹ Gàr-rômiă bẻ rùp-phũn droi lăm pơnuai uỗn-rơnăm Yàng Pô Lơngì. Kraũ-cầng bẻ pơnuai anít-rơnăm mững Yàng buol gudroi, la Yàng Jêsu Krist, tô hũ pơnuai hodiũ rài podò rài. ²² Ràng-tơbiă bẻ hotai-hotiàn anít-anăr sỡng du mơnih hũ pơnuai păng-tui 'buh kớđồng-kojăp. ²³ Dỡng bẻ du mơnih pỏkỡn, kớtung buol guũn tobĩ klàh mững apui. Sỡng du mơnih pỏkỡn wỡ, nửn hũ bẻ hotai-hotiàn gẵm anít-anăr gẵm huớ-kớđa, mớbai gẵm truh khẵn-ào kớđồng rùp-phập drah-rớlo ngắ sỡũ-sỡnoh.

²⁴ Yờng lớkou Pô hũ gớnặp-gớnuảr gắr-rômiă buol adới-ai klàh pơnuai sỡnẻ lớbuh, sỡng ngắ tớ buol adới-ai dò dỡng tớ anaũ pơnuai mằng-kớchờ Pô 'buh sa-sít nằm-lớka, lăm pơnuai sỡh-sài, ²⁵ la Yàng Pô Lơngì mỗn hũ sa, Pô dỡng-pỏklàh buol gudroi, gớnừm tớ Yàng Jêsu Krist, Yàng buol gudroi, hũ moyòm-pỏglờng, rỏyũ-rỏyỡm, gớnặp-gớnuảr, sỡng gớnuảr-pràn mững rỏbớu-rỏbớu tũ-rài dỏlhou, tũ ni sỡng tớl truh rài podò rài! Amen.

Chru

Chru: Chru (New Testament)

Copyright © 2020 Wycliffe Bible Translators, Inc.

Language: Chru

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 9 Feb 2021 from source files dated 6 Feb 2021

29890c73-845e-5b2d-84d7-4d631546315a